

Հայաստանի Հանրապետության Արարատի քաղաքապետարանը, ի դեմս քաղաքապետ Աբրահամ Բաբայանի, մի կողմից, և «Հայաստանի երիտասարդ իրավաբանների Ասոցիացիա» հասարակական կազմակերպությունը (հետագա տեքստում՝ Ասոցիացիա) ի դեմս Ասոցիացիայի նախագահ Կարեն Զադոյանի, մյուս կողմից (հետագա տեքստում՝ Կողմեր)։

Կարևորելով տեղական ինքնակառավարման մարմիններում կոռուպցիոն ռիսկերի նվազեցման և ինքնակառավարման արդյունավետության բարձրացման մեթոդական ու մեթոդաբանական օժանդակության հրատապությունը,

Անհրաժեշտ համարելով տեղական ինքնակառավարման մարմինների կողմից պետության անունից հանրությանը մատուցվող ծառայությունների որակի բարելավումը,

Ձգտելով հնարավորին չափ նպաստել քաղաքացիների շահերի և իրավունքների ոտնահարման կանխարգելմանն ու որոշումների կայացմանը նրանց անմիջական մասնակցության ապահովմանը,

Առաջնորդվելով օրենքի գերակայության և բարոյական վարքագծի հավասարակշռությամբ, առաջնայնություն տալով համայնքային ծառայողի բարոյական վարքականոնի մշակմանը և ներդրմանը,

Գնահատելով Ասոցիացիայի դերը որպես կոռուպցիայի հաղթահարման ոլորտում իր ներկայացուցչական ստորաբաժանումների շրջանակներում քաղաքապետարան-քաղաքացի հարաբերություններում տեղեկատվության փոխանակման լրացուցիչ միջոց,

Ընդգծելով տեղական ինքնակառավարման մարմինների հարաբերությունները կարգավորող արդեն ընդունված և ընդունվելիք նորմատիվ ակտերի վերաբերյալ կայացվող որոշումները հրապարակային և թափանցիկ դարձնելու, տեղում լուսաբանելու, ճիշտ ըմբռնելու ու կյանքի կոչելու գերակայությունը,

Կողմերը կնքեցին սույն Փոխընթերցման Հուշագիրը (հետագա տեքստում՝ Հուշագիր) հետևյալի մասին.

1. Հուշագրի նպատակները

1.1. Կողմերը միավորում են ջանքերը հետևյալ նպատակներով՝

- նպաստել Արարատ քաղաքում կոռուպցիայի կանխարգելմանը և կոռուպցիոն ռիսկերի նվազեցմանը,
- աջակցել Արարատ քաղաքում կոռուպցիայի դեմ պայքարի արդյունավետության բարձրացմանը,
- բարձրացնել Արարատ քաղաքի բնակչության կոռուպցիայի դեմ պայքարի անհրաժեշտության վերաբերյալ իրազեկության մակարդակը,
- նպաստել կոռուպցիայի դեմ պայքարում քաղաքացիների շահերի և իրավունքների պաշտպանությանը,
- նպաստել կոռուպցիոն ռիսկեր պարունակող օրենսդրության ընթացակարգային և համակարգային փոփոխությունների կատարմանը:

2. Համագործակցության հիմնական սկզբունքները

2.1. Սույն Հուշագիրը սահմանում է Կողմերի միջև համագործակցության հետևյալ սկզբունքները.

- Կողմերի միջև համագործակցությունը հիմնված է ՀՀ Սահմանադրության, ՀՀ օրենսդրության, ՀՀ միջազգային պայմանագրերի և սույն Հուշագրի դրույթների վրա,
- Համագործակցության ընթացքում Կողմերն առաջնորդվում են համադեկլարման, համապատասխան պատասխանատվության, թափանցիկության և ժողովրդավարության սկզբունքներով:

3. Համագործակցության ուղղությունները

3.1. Կողմերը համաձայնվում են ԱՄՆ ՄԶԳ Հակակոռուպցիոն գործողության մոբիլիզացման ծրագրի կողմից ֆինանսավորված և ասոցիացիայի կողմից իրականացվող «Հրազդան, Եղեգնաձոր, Արարատ, Աշտարակ, Ապարան և Թալին քաղաքներում շահերի պաշտպանության և աջակցման կենտրոններ ու ընդունարաններ» ծրագրի շրջանակներում, հետագայում նաև ասոցիացիայի կողմից իրականացվելիք համանման այլ ծրագրերի շրջանակներում նույնպես, Արարատ քաղաքում իրականացնել հետևյալ գործունեությունը.

3.1.1. Ասոցիացիան պարտավորվում է՝

- Քաղաքացիներին հնարավորություն ընձեռել արձանագրելու իրենց հանդիպած կոռուպցիոն դեպքերը և բողոքներ ներկայացնելու քաղաքապետարան,
- Տրամադրել անվճար իրավաբանական աջակցություն՝ քաղաքապետարանին ուղղված դիմումների ընթացքին օժանդակելու նպատակով,
- Բացահայտել կոռուպցիային վերաբերող օրենքների և այդ օրենքների ու որոշումների իրականացման թերությունները, ինչպես նաև քաղաքապետարանում առկա կոռուպցիոն ռիսկեր պարունակող գործունեության տեսակները՝ անմիջապես տուժող անձի կողմից ներկայացված արձանագրության հիման վրա,
- Մինչ բացահայտված կոռուպցիոն դեպքերի հանրայնացման և օրենսդրորեն նախատեսված այլ ընթացակարգերի ապահովումը, գործընկերության հիմքի վրա քաղաքապետարանի հետ համատեղ քննարկում ծավալել կոռուպցիոն տարրեր ընդգրկող դեպքերի կապակցությամբ, համատեղ եզրահանգումների ակնկալիքով,
- Ապահովել քաղաքացիների և քաղաքացիական հասարակության կազմակերպությունների մասնակցությունը՝ քաղաքապետարանի կողմից քաղաքացիներին մատուցվող ծառայությունների որակի գնահատման նկատմամբ մասնակցային մոնիտորինգի իրականացմանը:

3.1.2. Քաղաքապետարանը պարտավորվում է՝

- Աջակցել Ասոցիացիայի կողմից քաղաքացիներին տրամադրվող այն տեղեկատվության ամբողջացմանը, որն անմիջականորեն կապված է քաղաքացիների բողոքներին առնչվող օրենքներով, ենթաօրենսդրական ակտերով, կանոնակարգերով կամ ներքին փաստաթղթերով պայմանավորված ընթացակարգերի հետ,
- Հիմնվելով ասոցիացիայի կողմից Արարատ քաղաքում գործարկվող Շահերի պաշտպանության և աջակցության ընդունարանի (հետագա տեքստում՝ ՇՊԱԸ) կողմից հավաքագրված և վերլուծված տեղեկատվության վրա՝ օրենքով վերապահված լիազորությունների

- շրջանակներում, նախաձեռնել կոռուպցիոն ռիսկեր պարունակող օրենսդրության ընթացակարգային և համակարգային փոփոխություններ,
- Նախաձեռնել, Կողմերի մասնակցությամբ, քաղաքապետարանում՝ համայնքային ծառայողների էթիկայի կանոնների կիրարկման համար անհրաժեշտ ինստիտուտների ներդրմանը, այդ ինստիտուտներում ապահովելով քաղաքացիական հասարակության ներկայացուցիչների ներգրավվածությունը,
 - Աջակցել ՇՊԱԿ-ի առաջարկություններին, մասնավորապես՝ տարածքային կառավարման և տեղական ինքնակառավարման մարմինների կողմից քաղաքացիներին մատուցվող ծառայությունների որակի գնահատման նկատմամբ մասնակցային մոնիտորինգի իրականացնելու նախաձեռնություններին:

3.1.3.Այլ դրույթներ

- Պարբերաբար աշխատանքային քննարկումներ կազմակերպել կողմերի ներկայացուցիչների մասնակցությամբ քաղաքացիների դիմում բողոքներին ընթացք տալու և դրանք բավարարելու օրենքով նախատեսված ընթացակարգերը ճշգրտելու օրակարգերով,
- Կողմերից որևէ մեկի առաջարկության դեպքում Քաղաքապետի մոտ անց է կացվում խորհրդակցություն՝ ճշտելու համար ՇՊԱԿ-ի և պետական կառույցների համատեղ գործունեության հարաբերությունները:

4. ԵԶՐԱՓՈՎԿԻՉ ԴՐՈՒՅԹՆԵՐ

4.1. Սույն Հուշագրով սահմանված համագործակցությունը համակարգվում և վերահսկում են Կողմերի ղեկավար մարմինները՝ լիազորված անձանց միջոցով:

4.2. Սույն Հուշագիրը կազմված է երեք էջի վրա, հայերեն լեզվով, հավասար իրավաբանական ուժ ունեցող երկու օրինակներից:

4.3. Սույն Հուշագիրը ուժի մեջ է մտնում ստորագրման պահից:

ՀՀ Արարատի քաղաքապետ՝	«Հայաստանի երիտասարդ իրավաբանների Ասոցիացիա» հասարակական կազմակերպության նախագահ՝
Արթուր Բաբայան	Կարեն Զադոյան
  Կ.Տ	  Կ.Տ